



### خوی شهرینده باش وئرمیش زلزله ده حیاتی ایتیره ن سویداشلاریمیزا باش ساغلیغی دلیک لریمیز

بیلدیگینیز کیمی یانوار آبی نین 28- ده، خوی شهری و اطرافیندا گوجلو زلزله باش وئرمیش دیر. بو طبیعی فلاکت نتیجه سینده دونیاسینی دئییشن و یارالیلار واردیر. سویداشلاریمیزین قفیل اؤلومو بیزلری چوخ گدرلندیردی، اونلارین عایله لرینه درین حوزنله باش ساغلیغی وئریر و یارالیلاریمیزین تزلیکله ساغالمالارینی آرزو اندیریک!

زلزله خوی شهرینی و اطراف بؤلگه لری گزچکدن ده وئران قویدو. بونا گوره ده مین لرله وطنداشلاریمیز یارالی، قادینلی- اوشاقلی، خسته لی هامیمی قیشین بو سوووغوندا قارین، یاغیشین آلتیندا حیات سورمکده داوام ائتمکده دیرلر. سوسیال مدیادا زلزله ایله علاقه دار یایلمیش ویدیولاردا اولانلارین او آجیناجاقلی دورومونو ایزله دیکجه بیزیم اوریمیز بوردا سیزلاییر... نییه اینسانلاریمیز دؤولت طرفیندن لازیمی یاردیملار گؤسترلمیر؟

باشقا اؤلگرده طبیعی فلاکت باش وئردینده قیسا بیر زاماندا همین اراضیلرده بؤیوک تیکنیکی، طبیعی، ماددی یاردیم گؤندریلدی، اینسانلاری یئرلشدیرمک اوچون چادیر شَهْرَجیکلری قورولدوغونو و یا اولناری موقتی اولاراق دؤولت بینالاریندا یئرلشدیریلدی، داواملی یئمکله- ایچمکله تَجهیز اولوندوقلارینی گؤروردوک. بونلاری بیز خوی دا گوره بیلدیک می؟ بو قدر یارالی اولدوغو حالدا بیر طبیعی مَرکز قورولدو مو، آخی اولنارین ایچریسینده وضعیتی چوخ آغیر اولنارلار واردی؟ آجلیقدان، سووقدان آذیت چکن بو قدر اینسانین آهو- ناله سینی نییه دویمادینیز؟

سونوندا نه قدر گیلئی- گوزاردان سونرا، خارجدن دویدوقلاری تنقیدلردن سونرا دؤولت طرفیندن «خالا خاطرین قالماسین» گلیب بیر- ایکی داغیلمیش مَحْله یه باش چکدیلر و اؤزلری ایله چوخ جزئی یاردیم گتیردیلر کی، بونو گنتیرمه سَلر بوندان داها یاخشای ایدی. نَدیر بو خالقین گوناھی، تورک اولماقلاری می؟ اؤزونوز کمک ائتمیرسینیز بس نییه تورک قیزیل آیینین یاردیملارینی گتری گؤندردینیز، آذربایجان دان یاردیم ائتمک ایستگینی رد ائتدینیز؟ سیز بو خالقان نه ایسته ییرسینیز؟

بو قدر اوزوجو حادثه لردن سونرا اوره ییمیزه سو سَپَن، باغریمیزی قاپاردان، میللتیمیزین بیر داها اؤز گووه نین گوجلندیره ن گؤزه ل حرکت لر اولدو. بو آغیر گونلرده دئمک اولار کی، بوتون گوئی آذربایجانیمیز، قوزئی آذربایجانیمیز، خارجه یاشایان هر بیر آذربایجانلی بیر یومروق اولدو، خوی دئییب گنجه- گوندوز سیزلادی، سیزلری دوشوندوک، بیر میلی بیرلیک گؤستردیک! یئنه ساغ اولسون بیزیم میلی ایجتماعی فعاللاریمیز! اولنارین رَحمت لرینین نتیجه سینده قیسا بیر زاماندا بوتون آذربایجان شهرلرینده بؤیوک یاردیملار، یئمک- ایچمک، گئییم، چادیر، درمان و طبیعی لوازماتلار و دیگر مهم شئیلر توپلانیلدی و زلزله بؤلگه سینه گؤندریلدی. بوتون میلی فعاللاریمیزا درین تشککورلریمیزی بیلدیریریک! سیز ایله فخر اندیریک عزیزلریمیز!

بلی، بوگون ییزده هاردا یاشاماغیمیزدان آسیلی اولمایاراق وطنیمیزین بیر پارچاسی اولان خویوموزون یاراسینی ساغاتماق اوچون



آلیمیزدن گن ماددی، معنوی یاردیمیمیزی گؤسترمه لیبیک. بو آرادا یاردیم کامپانییالارینا قوشولماق ایسته ییرسینیزسه اؤنجه دن اونلارین اعتبارلی اولوب- اولمادیقلارینی مطلق یوخلاماغی اونوتمایین!

آذربایجان میلی جبهه سی (AMC)

ایسوج- مالمو، 2023-02-04